

God Ròc

ماہتاڪ

MAHTAK

No.:2
Vol.:1

لمبر: ۲
سال: ۱

گارفج



یپوستء درمان




مہرتین ہئیوان

وشین ہورء مؤسم مہ سرباز

- ◆ اے برپ نہ أنت، ترؤنگل أنت!
- ◆ ہورا ہمے وڈا گوارت!
- ◆ سربازء کور چہ آپٹا سیر بیت۔
- ◆ سربازء مردم گل بیت أنت۔
- ◆ سرباز ہنی سئیلیگ انت۔



بہرے چہ کتابے



اے ہدا / زردء پاهار / االی جان کومی

جبران ہلیل / االی جان کومی

اے ہدا

چہ زردء جھلانکی ئا ترا گوانکء جنون
تھارین شپان منی پریاتان گوش دار
منی دست تئی نیمگ ئا دراج انت
پرے ہاترا منی نیمگ ئا بہ چار
ما برپانء تھا کپتگ
ء ترا سجدہ کن این
پہ مئی سرا رحم بہ کن
ما تئی کابہء دپ ئا اوشتاگ این
مئی گدان بہ چار
مئی پت ء پیروکی ہندا
ہون سہر سہر انت
اے مئی زانتکارانی کبر انت
اشانی تھا واب انت
مئی دستء زہمان بہ چار
مئی تیلین چک کشتگ
ء نکت نکت کتگ انت
مئی پیرین کماشان گون
زمزیلان بستگ ء گران کتگ انت
بندی جاہان مارا بندیگ کتگ
ہما لنٹانء سرا ما پریات کتگ
ہما لنٹ مئی دوتکگ انت
ما پریات ء زاری کتگ
بلے آبی ئا وتی زندان چہ ما پر کت
چیا کہ آ زوراک ات
ء ما نزور

ہو ہدا

مئی سرا رحم بہ کن
مئی پریاتان گوش بہ دار
نیلء دراجی
پراتء پراہی
مردمء پریاتان بہ چار
تو گوش دارگ ئائی
جزیرہ ئا بہ گر تا لبنان ئا
مئی لاگرین دست
تئی نیمگ ئا دراج انت
پارسء لنجین زران بہ گر
اے دراجین دشت ء دمگ
مردم گمانی آماچ انت
ما تئی نیمگ ئا چار اتگ
تو ہم مئی نیمگ ئا بہ چار
اے ہدا



بھرے چہ ویکی گال

لئین ء دئین

لئین ء دئین (لین ء دین) ہمشیء گُش آنت کہ یکے گون دگہ مردمے چیزے مٹّء کنت ء یا یک چیزے بهاء کنت ء پدا دگہ چیزے زیر ایت ء پدا بهائے کنت۔

اے گالء امرد مه انگریزی زبانء توکئا دی نال (Deal) ایت ء پارسى گالوارء توکئا معاملہ ایت

باپار

باپار ہمشی ایت کہ یکے یک چیزے زیر ایت ء پدا گون دگہ کیمتے بهائے کنت ء اے میان نئا یک گیشین پولے گیرت۔ اے کارء نام بلوچی زبانء توکئا باپار ایت ء اے کارکنوکء مردمئا بلوچی زبان نئا باپاریگ گُش آنت۔

اشیء امرد انگریزی زبان نئا بزینس (Business) گُش آنت ء پارسى گالوارا تجارت گُش آنت اے کارء کنوکئا هن انگریزی نئا بزینسمن پہ (Businessman) ء پارسى نئا تاجر گُش آنت۔



ھالرسانی اڪس



نہنگء کورا ھنچو بیتگ ھورء ھار کہ بازین ماشینے برتگی



سربازا ھنچو ھورا ترؤنگل کتگ کہ گشی برپئا

گوارتگ۔



بچکند



یکے نا اسپیلته زرتگ ء شته لوگنا وتی پرنینگ پدا زنگی جته دکانداران که منی اسپیلته سارت کنگ
جاها گرمین گوات درء کنت۔
دکاندار شتگ انت لوگنا که بچار انت اسپیلته نا چون انت، اودا که شتگ انت گون اے پرنینگ
ودا دیم په دیم بیتگ انت۔



درمان



گون سارتین آپئا جان شودگ

+ وهدیکه گون سارتین آپ جانء شود
ایت هون په بدنء اندامان جاها شورء
گنتء گرم ایشء گنتء۔

اے کار هونء گردگئا شرتیرء گنتء، سمئان
چه بدنئا در ریچ ایت



شیر وتء دارچنی

شیر وتء دارچنیئا ده برابر گیشتر
چه تیوکین شیرئی پائده هـ۔

بدین کلسترؤلئا کمء گنتء، چه دلی
شور(حمله قلبی)ئا پیشگیریء گنتء،
نپس کشگئا راحتء گنتء و هڈان
مُهرء گنتء۔



یبوستء گهترین درمان

۲ کاشک ورگی هاکشیرا مه یک گلاسه
جوشین آپئا ایر ریچ ایتء گلاسه
دپئا به گرات که دم به ورائتء پدا
کمه بینگ یا نبات ایش هور به کن ایت
ء گون هالیگین میدهئا به ورائتی یا
پینسر چه سباه ناهاریگ(ناشت)ئی به
ور ایت



زانشت



تاردیگراد

بلکین مه مَن ایت بلی هکین گپے...
تاردیگرادان گیش چه ۵۰۰ ملیون سال
اَنت که زمین ء سرا زندء گوازین اَنت
ء هر انسانے اندازه ئا یک ملیون چه اے
هستینان هـ.

اے دگه وڈین هستین بے هچ مشکله
تُون ایت مه هوائے کمر چه ۲۰۰ درجه
کمر چه هچ (۰) ئا ء ۱۵۰ درجه گیشتر
چه هچ (۰) ئا، تَرندترین رادیواکتیو ایکس
ء گاماء تاپ (تابش) ئان، پشارے اندازه
۶ برابر گیش چه مزن زردء جُهلانکی ئا،
بے هچین جاھے که هچّی مه بیت ء ده
سال ئا بے ورگ ء چرگ ئا تُون ایت زندگ
به مان ایت۔

تاردیگراد یا آپی مَمء تُون ایت گون وتی
دی ان ائی (DNA) ء ٹگلینگ ئا رند چه هزار
سال ئا پدا وتا زندگ به کنائین ایت ء په
زندگی ئا چهر به کنت۔

اے هستینان چه گیش چه ۵ دگنیاء
دراہ مرگی (انقراض) ئا بچتگ اَنت ء
گُشگء بیت که تهنا هستینے بی اَنت
که رند چه روچء مرگ ئا زندگء بی اَنت
ء په وتی زندگی ئا دامدارء کن اَنت۔



دود ء رپیدگ



مئی بئنک اسلامی آنت یا کاپرانئی؟

سوئیس کشورء تھا ہر بئنکے یک ماہے
توکٹا اچہ سد(%) چہ ہمائن کہ وتی
پول اش مہ بئنکٹا ایر کتگ آنت پولء
گیرت۔

بلی چہ وام گروفکان ہچ سوتء نہ گر
آنت۔

بلی ایرانء توکٹا بئنک ہر ماہے ۲۰چہ
سد(%) ہمائنء دی آنت کہ وتی پول
اش مہ بئنکٹا ایر کتگ آنت۔

بلی ہنچو چہ ہمائن کہ پول وامء
گر آنت ۲۸چہ سد(%) گیشین سوتء
گیرت

اشی ہانینکہ سوئیسء توکٹا سینٹین
مردم ہما وڈا مان آنت ء گرزوالائین
(نیازمندین) مردم ہن ہچ زلرے نہ کن
آنت۔

بلی ایرانء توکٹا چہ گرینین مردمٹان
پولء گر آنت ء سینٹان اش دی آنت۔

سینٹین مردم کہ گرزے نیست انت اش
سینٹ ترء بی آنت ء گرزوالائین مردم
گریب ترء گرزوالاتیرء بی آنت۔



ماہ گچینی زیمل

پرزین پنوچی

بیا سئیل کن اشی ملک مکران
 منی دیدگ منی نام ء نشانن
 ہمے آتش ہمے تشنگ ہمے دشت
 بلوچستان منی ہون تئی رگانن
 بلوچ انت ء ہیا ء شرم ء گئیرت
 بہ نازون مردمانی مہربانن
 بہ چار دنیای ء پھکین گوشگان نا
 کجا سنگان ء ہواش ء زاہدانن
 ہنرمندی دگہ ملکان کجاین
 ہنر پنوچی پادان ء پداین
 درستن مشتے سنگ ء دار ء کاہن
 ہمے سنگی ہمے ہاکی تلاہن
 بیا پنوچی بازارا کدم جن
 کہ سرداران ء وشنامانی جاہن
 زمان ہشکت کئی نام ء توارا
 کجا مردے برابر دادشاہن
 زمین می راہ ء رہندان کپل بُرت
 زمانی کسہ پنوچی کلاہن
 بیا سئیل کن بہشت ء مکران نا
 ہمے تک کوہی زبرین جمبران نا
 کجا نکش ء نگارانی سر ء بُن
 کجا ہاکی بدل کلپورگانن
 کجا نیکشہر ء ایرانشہر ء سرباز
 کجا لاشار ء بنت ء چابہارن
 ہنرمندی دگہ ملکان کجاین
 ہنر پنوچی پادانی پداین
 درستن مشتے سنگ ء دار ء کاہن
 ہمے سنگی ہمے ہاکی تلاہن
 بیا پنوچی بازارا کدم جن
 کہ سرداران ء وشنامانی جاہن
 زمان ہشکت کئی نام ء توارا
 کجا مردی برابر دادشاہن

ماہ گچینی زیمل



زیمل ء نام: تلاہین ہاک

وانوک: پرزین پنوچی

گالسر: اے زیمل ء گچین بیگ اشی ء واستا
 بیتگ کہ اے زیمل ء ریتہم پہ وشی ردبندی
 بیت ء ریدگ (اصلی) ترین چیز کہ اے زیمل
 گچین بیتگ اشی انت کہ اے زیمل ء لچہ
 چہ بلوچی گالان گیش کارمرد بیتگ ء ء
 ی وانوک نا پہ وشی وانتگ انت.




دیمروی ء نوکاری

چیزان انت کہ اگہ زانتکار بہ لوٹ انت
چہ ماہنا کومک بہ گر انت باید ماہء سرا
آپ بہ بیت۔

چار زانشتی ابزار مہ وایپرء ربات سرا
ہور کنگ بیتگ کہ یکے چہ اشان کوچگی
درئیلے کہ زمینء کوچ ایت ء وڈ(نمونہ)ء
گیرت۔

ناساا مہ ۲۰۰۹ء سالنا یک راکتے مہ ماہء
جھلوانی نیمگنا دیم دات ء اے گپ کہ
ماہء سرا آپ ہہ من اینتی نین ہنی وایپر
رباتء ماموریت اشی انت کہ آپء جاہنا
در بہ گنج ایت ء بہ چار ایت اے آپ چہ
پئیمین انت۔

ناسا نوکین ربات بازین کیلومترے رؤت
ء گون کارمرد چہ نوترونی سیستمے آپء
ڈمبء رؤت ء رند چہ کوچگ ء آپء
درگنجگنا آپنا آنالیزء کنت ء آپء شیمی
ترکیبان پٹ ء پؤلء کنت۔



ناساا ہنگت نہ گوشتگ کہ کدی اے ربات
نا ماہء سرا دیمء دات، بلی چو کہ گلائیش
انت گشی لوٹ انت پینسر چہ ۲۰۲۲ء سالنا
اے رباتنا دیم بہ دی انت۔

ناسا وایپرء رباتنا پہ آپء پٹگنا
مہ ماہء سرا دیمء دات۔



ناسا؛ پینسر چہ اشینا کہ بلوٹ ایت پدا
یک دگہ مردمے ماہء سرا دیم بہ دات
اے رندء لوٹ ایت یک رباتے ماہء سرا
مہ جھلوانی نیمگنا دیم بدات کہ آپ
شوہازء کنت، ہما جاہنا کہ آرتمیسء
ماموریت لئیب(اجرا)ء بیت، اے رباتء
نام وایپر(VIPER)انت۔

وایپرء ربات ماہ جھلوانی نیمگنا پہ
آپ(برپء وڈین)ء ڈمبء رؤت اگہ اے
ربات برپ بہ گند ایت چہ اے برپان وڈ
جمء کنت، دن زانتکار بہ چار انت کہ
ڈگار(زمین)ء وهدی امراءء تون ایت
انسانان پہ دگہ ماموریتانء واستا کومک
بہ کنت یا نن۔

ہما پئیمہ کہ زان ایت آپ یکے چہ مہمین



بلوچی، دستور

ئ ہن یکے چہ بلوچی زبانء دوبندین
ابان انت کہ a وت ء ء ہور وانگء
بیت ء نئن a انت ء نئن ء اے ابء
گال: سئ (۳) تَوئی (دومی یکین جاہء
رندھور)

ئی ء ء و ماہ بلوچی نا

بلوچی زبانء بنتوار (واج) ۲۹ انت بلی
سئ دگہ اب (دوبندی اب) بلوچی ابانء
لیستنا ہور کنگء بیت کہ اے چہ دو
ابنا جوڈء بی انت۔

ئی ئیئیئی AI ai/AY ay

ئی ئئیئی AE ae/Æ æ

وؤ AU au/AW aw

ئی ہما سی انت کہ اوپسلاہ زانتجاہء
توکنا کہ بلوچی رومنء اب جوڈینگ
بیتگ اشیء واستا AY گیشینگ
بیتگ، بلوچی زبانء ربیدجاہنا ہن پہ
اشیء واستا ئی ہور کتگ کہ سی وش
تر لگگ بہ بیت۔

و ہن ہما و انت کہ اوپسلاہ زانتجاہ
نا رومنء ابان AW گیشینگ بیتگ
اوپسلاہ اربی ابانء توکنا اشی ئو
نیسگء بیت بلی پہ وشتر نیسگء
استا بلوچی زبانء ربیدجاہنا و رد
کتگ۔

مئی بارهٔ نا

گارفچ

کپی کنگء هک اندیم بیتگ ©

Balòci

اے ماہتاک بھرے چہ بلوچی زبانء ریدجاہئن

اے ماہتاک هرماہ (میلادی) ء گدا شنگء بیت

اے ماہتاکء توکئا بلوچی زبانء نبشته نیسگء بیت

براهویی ء جدگالی هن اگہ ہم بیت نبشتانک نیسگء بیت

بلوچی لبزانک ء ازمانک ء ریدجاہ

اے ماہتاکء توکئا وڈا وڈین نبشتانک نیسگء بیت

سربار-سرکور

لمبر: ۰۲

سال: ۱

سر مستر: سلیم بلوچ کوہگردی

تاکانء سمبھینوک: ابدلجبار اربابی